

## Канон

Поем каноны сице: Октоиха — воскресный 1-го гласа со ирмосом на 4 и Богородицы на 2; канон Всех русских святых, глас 8, на 8.

### Песнь 1.

Канон воскресен, глас 1:

**Ирмос:** Твоя победительная десница/ боголепно в крепости прославися;/ та бо, Безсмертне,/ яко всемогущая, противныя сотре,// израильтяном путь глубины новосоделавшая.

**Припев:** Слава, Господи, святому Воскресению Твоему.

Иже рукама пречистыма от персти богодетельне исперва создав мя, руке распростерл еси на Кресте, от земли взывая глнное мое тело, еже от Девы приял еси.

Умерщвление подъял еси мене ради и душу смерти предал еси, Иже вдохновением божественным душу ми вложивый, и отрешив вечных уз, и совоскресив, нетлением прославил еси.

Ин канон, Пресвятей Богородице, глас тойже:

**Припев (по обычаю):** Пресвятая Богородице, спаси нас.

Кую Ти достойную песнь наше принесет неможение? Точию обрадовательную, еже нас Гавриил тайно научил есть: радуйся, Богородице Дево, Мати Невестная.

Приснодеве и Матери Царя Вышних сил, от чистейша сердца вернии духовне возопиим: радуйся, Богородице Дево, Мати Невестная.

Ин канон, всем святым, в земли Российской просиявшим, глас 8:

**Ирмос:** В Чермном фараона:

**Припев:** Все святии земли Русския, молитесь Бога о нас.

Все в песнях духовных воспойм согласно во благочестии просиявшия Божественныя отцы наша, яже изнесе Русския земли всяко место и страна и яже Церковь Русская воспитала.

Радуйтесь, святители седмочисленнии: Василие, Ефреме, Евгение, Елпидие, Агафодоре, Еферие и Капитоне, в Херсоне епископствовавшии и землю нашу кровью своими освятившии.

Приидите, мучениколюбцы вернии, песнями почтим первомученики русския, Феодора и юнаго Иоанна, идолом не послужившия и крови своей за Христа давшия.

**Величье** наше и похвала ты еси, Ольго богомудрая, тобою бо свободихомся от бесовскаго прельщения, не престай и ныне молити за люди, яже Богу привела еси.

**Радуйся** и веселися, рабе Христов, княже великий и мудрый Владимире, просветителю наш, тобою бо избавихомся от душепагубнаго идолослужения, темже, радуйся, вопием тебе.

**Сияет**, яко звезда на небеси, Божий иерарх Михайл, землю Русскую просветивый светом познания Божественныя веры и Владыце приведый люди новы, баниею крещения обновлены.

**Слава: О** блаженнии страстотерпцы Христовы, князие Борисе, Глебе, и Игоре, и Михайле с боярином Феодором! Не забудьте отечества вашего, глад и озлобление отгоните, от грехопадений междоусобий избавите ны.

**И ныне, Богородичен: С** чинми Ангел, Владычице, со пророки, и апостолы, и со всеми святыми за ны, грешныя, Богу помолися, Твоего Покрова праздник в Российской земли прославльшия.

**Катавасия: Отверзу** уста моя:

### Песнь 3.

**Ирмос: Еди́не** ведый человеческого существа немощь, / и милостивно в не вообрази, / препояши мя с высоты силою, / еже вопити Тебе Святы́й:// одушевленный храме неизреченныя славы Твоея, Человеколюбче.

**Бог** сый мне, Блаже, падшаго ущедрил еси, и снити ко мне благоволив, вознесл мя еси распятием, еже вопити Тебе, Святы́й: храме одушевленный неизреченныя Твоея славы, Человеколюбче.

**Живот** ипостасный, Христе, сый, в истлѣвша мя, яко Милосердый Бог, обокся, в персть смертную сошед, Владыко, смертную державу разрушил еси, и мертв тридневен воскрес, в нетление мя облѣкл еси.

### Ин, Богородице.

**Облак** Тя легкий неложно, Дево, именуем, пророческим возслѣдующе речением: прииде бо на Тебе Господь низложити египетския прелести рукотворения и просветити сим служащия.

**Т**я запечатанный источник и заключенную дверь воистинну лик пророческий именовая, дѣвства Твоего, Всепетая, явственне знаменія нам пишуще: еже сохранила еси и по Рождествѣ.

**Ин, святым:**

**Ирмос:** Небснаго круга:

**Проповѣдует** преславно и паче трубы вопиет великая Лавра Печерская, тобою начало приемшая, отче преподобне, Антоние славне, всех российских монахов первоначальниче.

**Воспойм** светло монашескаго общаго житія в Русстей земли устроителя, блаженнаго Феодосія, с ним и Нестора, достопамятных деяній списателя, и Алипия, живописанія в Россіи начальника.

**Рай** мысленный еси, Печерская святая горѣ, умножившая духовная древесая, блаженныя отцы, ихже исцелити по единому не могуще, о всех вкупе хвалу принесем Единому Владыце.

**Антоние, Иоанне и Евстафие,** тверди исповѣдницы православныя веры, издревле в земли Россійско-Литовстей насажденнии, молитвами вашими от зловредных иновѣрных мудрованій соотчицей ваших и всех нас ограждайте.

**Ходатаи** будьте за отечество ваше земное, Афанасие преподобномучениче, и ты, отроче Гаврииле, научите убо и нас Православіе дерзновенно исповѣдати и страха вражия не бояться.

**Да** почтится Иов преподобный, Лавры Почаевскія украшеніе, вкупе со всеми угѣдники и чудотворцы Волынскими, дѣлы своими и чудесы облиставшии преславно земли нашея концы.

**Слава:** Пѣснями священными восхвалим Афанасія, Царградскаго святителя, свое благословеніе земли Россійстей принесшаго и честныя своя мѣщи, яко залог единенія со Вселенскою Церковию, нам оставльшаго.

**И ныне, Богородичен:** Се время заступленія Пресвятыя Богородицы прииде, умножившимся соблазном, се время наших к Ней воздыханій, о братие, рцем убо от всего сердца нашего: Владычице, Владычице, помози людем Твоим.

**Катавасія:** Твоя песнословцы:

**Ектенія малая.**

**Кондак святых, глас 3.**

**Подобен: Дѣва днесь:**

**Днесь лик святых, в земли нашей Богу угодивших, предстоит в Церкви/ и невидимо за ны молится Богу./ Ангели с ним славословят,/ и вси святии Церкви Христо-вы ему спразднуют,/ о нас бо молят вси купно// Превечнаго Бога.**

**Икос:**

**Едемскаго рая древесá доброплодная и красная явишася святии, цветы благовонныя учений и плоды дел творящии, от нихже души наша питаются и глад наш духовный утоляется, приидите убо, притецем под сень их и ублажим их, яко страны наша отраду и украшение и яко жития образ нам и начертание, тии бо венцы приша нетленные от Превечнаго Бога.**

**Таже седален святых, глас 7:**

**Нощней тьме огустевающей, умножается звездный блеск, и к тому очи заблуждших радостно возводятся. Тако и умножившейся на земли греховней тьме, возведем горе очи наши, братие, и, сияние духовных звезд, землю нашу озаряющих, узревше, к Небесному отечеству потщимся, егже да не лишит Господь нас, грешных, молитвами святых Своих.**

**Слава, и ныне, глас 4:**

**Притецем, вернии, к Божественней и цельбоносней ризе Спасителя нашего Бога, благоизволившаго сию Плотию носить и на Кресте Святую Свою Кровь излить, еюже искупит нас от работы вражия. Темже благодарственно вопием Ему: спаси Первосвятителя нашего и архиереи, Отечество наше и вся люди честною Твоею ризою защити и спаси души наша, яко Человеколюбец.**

**Песнь 4.**

**Ирмос: Гору Тя благодатию Божию приосененную,/ прозорливыма Аввакум усмотрив очима,/ из Тебе изыти Израилеву/ провозглашаше Святому,// во спасение наше и обновление.**

**Кто Сей Спас, Иже из Едома исходя, венец нося терновен, очервлену ризу имый, на Древе вися? Израилев есть Сей Святый, во спасение наше и обновление.**

**В**идите, лю́дие непокоривии, и усты́дитесь: Егóже бо яко злоде́я вы вознести́ на Крест у Пилáта испроси́сте умовре́дне, сме́рти разруши́в си́лу, боголе́пно воскресе́ из грóба.

**Ин, Богородице:**

**С**лы́ши чудес не́бо и внуша́й земле́, яко Дщи перстнаго ўбо па́дшаго Ада́ма, Бо́гу нарече́на бысть, и Своему́ Содетелю Роди́тельница, на спасе́ние на́ше и обновле́ние.

**По**ём вели́кое и стра́шное Твое́ та́инство, премирных бо утай́вся чинонача́лий, на Тя Иже Сый сни́де яко дождь на руно́, Всепе́тая, на спасе́ние нас, пою́щих Тя.

**Ин, святым:**

**Ирмос:** Ты моя́ кре́пость, Го́споди:

**П**ервонача́льника и устроителя гра́да Москвы́, блаже́нне кня́же Дани́ле, пока́зá тя Го́спо́дь, к Немú же непреста́нно моля́ся, град твой охраня́й, зе́млю на́шу от бед спаса́й, правосла́вныя же ру́сския лю́ди посещáти ми́лостивно не преста́й.

**Мо́лим** вас, святителие Христовы Пётре, Алексіе, Ио́но, Фили́ппе и Иннокенти́е, Фоти́е, Киприáне и Феогно́сте, и вси прóчии Москóвстии чудотворцы: душе́вное смуще́ние и печа́ли на́шея бúрю разори́те и тишину́ нам пода́йте ва́шими к Бо́гу моли́твами.

**И** первопресто́льник Росси́йския Цérкве, и испове́дник Правосла́вныя ве́ры, и обли́читель грехолюб́ивых и мятéжных, и строитель Ру́сския земли́ был еси́, святителю Ермогéне, и за си́е темни́цею и гла́дом мучим был еси́ и приём от Бо́га неувяда́емый вене́ц, со святители и мученики весели́шися.

**Ра́дуется** сла́вный град Москва́, и весели́я исполняется вся Росси́я, на тво́я моли́твы наде́ющаяся, Серге́е Богоблаже́нне, оби́тель же тво́я красу́ется, храня́щи честны́я тво́я мо́щи, яко сокрови́ще свяще́нное.

**Пе́снями** свяще́нными восхва́лим преподо́бнаго Никона, послу́шания рачи́теля, с нимже воспо́им Михе́я, Са́вву и Дионисіа, Стефа́на, Андрони́ка и Са́вву и вся преподо́бныя учени́ки и собе́дники вели́каго Серге́я, ихже моли́твами сы́нове росси́йстии спаса́ются.

**О** премудрии и блаженнии Василие, Максиме и Иоанне Московстии и вси Христа ради юродивии Российстии, чуднии житием и разумом, молим вас прилежно: молити Христа Бога нашего за земное отечество ваше и всем верным спасение испросите.

**Слава:** Новый столпник в дебри Калужстей явился еси, преподобне Тихоне, и купно с преподобным Пафнутием, иночества строгим ревнителем, и блаженным Лаврентием ко граду Горнему в стране твоей путь верный проложил еси, на немже упаси и нас молитвами твоими.

**И ныне, Богородичен:** Подобием иконы Иверския не точною Афон просвещается, но и град Москва украшается и инии гради и веси освящаются, от той чудесную помощь приемлюще и источник утешения в ней обретающе, и нам, Благая Вратарнице, двери райския отверзи.

**Катавасия:** Седяй в славе:

### Песнь 5.

**Ирмос:** Просветивый сиянием/ пришествия Твоего, Христе,/ и осветивый Крестом Твоим мира концы,/ сердца просвети светом Твоего Богоразумия, // православно поющих Тя.

Пастыря овцам великаго и Господа иудеи древом Крестным умертвиша, но Той, яко овцы, мертвыя во аде погребенныя державы смертныя избави.

Крестом Твоим мир благовестив и проповедав пленным, Спасе мой, оставление, державу имущаго посрамил еси, Христе, нага, обнищавша показавый Божественным востанием Твоим.

**Ин, Богородице:**

Веселятся Небесныя Силы, зряще Тя; радуются с ними человеков собрания: Рождеством бо Твоим совокупися, Дево Богородице, еже достойно славим.

Да движатся вси языцы человечести и мысли, к похвале человеческого воистинну удобрения, Дева предстоит яве славыщи, верую Тоя поющих чудеса.

**Ин, святым:**

**Ирмос:** Вскую мя отринул еси:

**Великаго Новаграда первопастырие, Никито, Нифонте, Иоанне, Феоктисте, Моисее, Евфимие, Ионо и Серапионе, и прочие чуднии святителие, в дому Премудрости Божия, яко финиксы, процвели есте, словесы благоплодными и непорочным житием.**

**Светло да похвалятся князие Новгородстии, Владимир, святые Софии пречудныя устроитель, с матерью своею Анною, и Мстислав, и Феодор, с ними же и вси от рода князей Российских житием богоугодным просиявши, Божественными да воспойтся песнями.**

**Дивнаго Варлаама, велика Новаграда славу и украшение, всероссийского молитвенника, и Антония славнаго, от ветхаго Рима на камени по волнам морским преплывшаго, Савву же, и Ефрема, и Михаила кто достойно прославит от земных?**

**Едемскаго рая, приидите, видим цветы присножизненные и богопрозябенныя, подвиги отец, в пределех Новгородских просиявших, ихже есть един Делатель Господь.**

**Всеволод краткий и Довмонт, Пскову стена неборимая, и Никола блаженный, и Корнилий преподобный, святым крещением чудь Ливонскую просветивый, песнями да воспойтся.**

**Веру Православную пред латины проповедавши, к вечным востекоса обителем Исидор пресвитер и с ним собор мученический во Юрьеве, граде Ливонстем, Царю царей ныне предстояще, молятся о нас, почитающих память их.**

**Слава: Авраамия богоноснаго, Смоленска украшение, и Евфросинию, радование Полотское и девам сияние, Христе мой, Тебе приводим молитвенники, ихже ради спаси нас.**

**И ныне, Богородичен: Заступница теплая иногда великому Новуграду была еси и ненадеющихся надежда и людей бедствующих Помощница, и ныне оком милосердным призри на нас и, скорби наша видевши и воздыхание услышавши, знамение милости яви нам, Пречистая.**

**Катавасия: Ужасошася всяческая:**

**Песнь 6.**

**Ирмос:** Обыде нас последняя бездна, / несть избавляяй, / вменихомся, яко овцы заколения, / спаси люди Твоя, Боже наш: // Ты бо крепость немощствующих и исправление.

Согрешением первозданного, Господи, люте уязвяхомся, раною же исцелихомся Твоею, еюже за ны уязвился еси, Христе: Ты бо крепость немощствующих и исправление.

Возвел ны еси из ада, Господи, кита убив всеядца, Всесильне, Твоею державою низложив того силу: Ты бо живот, и Свет еси, и Воскресение.

**Ин, Богородице:**

Предстоят раболепне Рождеству Твоему чини Небеснии, дивящися достойно Твоему безсеменному Рождеству, Приснодево: Ты бо Чистая и прежде Рождества и по Рождестве еси.

Вплотися прежде Сый безплотен, Слово из Тебе, Пречистая, всяческая волею творяй, безтелесных воинства приведи от небытия, яко Всесилен.

**Ин, святым:**

**Ирмос:** Воднаго зверя во утробе:

Евангельски Христа возлюбивше, преподобнии Зосимо, Савватие, Германе, Иринарше, Елеазаре и прочие Соловецтии чудотворцы, мира отвратитесь, в непроходимыя и пустыя острова Соловецкия зашедше, всякия добродетели образу навькосте, мудрей пчеле подобящися, и селение, достойное прияти Духа Святаго, бысте, премудрии.

Великаго в чудесех преподобнаго Трифона воспойм, Лопарскаго просветителя, в последних концех северных стран от горькаго рабства бесовскаго люди избавльшаго и святым крещением возродившаго.

Радуйся, пустыне, прежде безплодная и необитаемая, послежде же, яко крин, процветшая и инок множество возрастившая! Выиграйте, горы Валаама и вся древа дубравная, хваляще с нами Сергия и Германа, вкупе же и Арсения со Александром Свирским, отцы всехвальныя.

**Жити́я** сего́ непостоянную пучи́ну немяте́жно прешёл еси́, преподо́бне Кири́лле, ко́рмчую Ма́терь Бо́жию имéя, и ты, Ио́сифе, Во́лоцкая похвало́, и Ни́ле нестяжа́телю, на водé по́койне и на зла́це воздержáния учени́к ва́ших стада́ му́дре упасли́ естé, и ны́не с ни́ми моли́теса о чту́щих па́мять ва́шу.

**Я**ко звёзды вели́кия, просия́ша в мона́шеских собо́рех Анто́ний Сийский и Три́фон Вятский, Дими́трий на Прилу́це и Амфило́хий и Диони́сий, похвала́ Глуши́цкая, Григо́рий Пельшемский, Па́вел, и Сёргий, и Корни́лий Волого́дстии, я́ко луча́ми, сия́юще добродéтельми жити́я своего́, преподо́бнии.

**Б**огови́дно пожíвше, пусты́ни, я́ко гра́ды, сотвори́ли естé, Мака́рие, Варна́во и Тíхоне, Авраа́мие и Генна́дие. Тёмже вку́пе с прóчими отцы́, в предéлах Костромских и Яросла́вских просия́вшими, ублажа́ем вас и мо́лим: моли́те Го́спода, да не лишít и нас егóже ны́не наслажда́етеса боговидéния в вéчном гра́де Небéснаго Царя́.

**Слава:** Ликуй, Фиваидо Рýсская, красуйтеса, пусты́ни и дэбри Олонéцкия, Белоезёрския и Волого́дския, возрастíвшия свято́е и сла́вное отéц мно́жество, чу́дным жити́ем всех наставля́ющее ми́ру не прилепля́тися, крест свой на ра́мена взя́ти и во след Христу́ шéствовати.

**И ныне, Богородичен:** Твоею́ всечестно́ю ико́ною Тíхвинскою, ю́же вели́кая Росси́я я́ко нéкий дар Божéственный свы́ше благоговéйно прият, прíсно страну́ на́шу, о Госпожé Цари́це Богорóдице, покрывáй и заступáй, спаса́ющи сию́ от всех навéт вра́жиих.

**Катавасия:** Божéственное сиé и всечестно́е:

Ектения малая.

Кондак воскресен, глас 1:

Подобен: Егда́ приидеши:

**В**оскрéсл еси́, я́ко Бог, из Грóба во сла́ве/ и мир совоскресил еси́,/ и естество́ челове́ческое я́ко Бо́га воспева́ет Тя, и смерть исчезé;/ Ада́м же ликует, Влады́ко,/ Ева ны́не, от уз избавля́ема, раду́етса, зову́щи:// Ты еси́ Иже всем пода́я, Христé, Воскресéние.

**Икос:**

Воскрéсшаго триднёвно воспоём яко Бóга всесильна, и вратá áдова стёршаго, и яже от вéка из грóба воздвигшаго, миронóсицам явльшагося, якоже благоизволил есть, прёжде сим, ёже радуитесь, рекий, и апóстолом радость возвещая, яко Един Жизнодáвец. Тёмже верою жены учеником знамения победы благовествуют, и ад стенёт, и смерть рыдаёт; мир же веселится, и вси с ним радуются. Ты бо подал еси, Христé, всем Воскресéние.

**Песнь 7.**

**Ирмос:** Тебé умную, Богородице, пещь/ рассмотрим вёрнии;/ якоже бо óтроки спасé три, Превозносимый,/ мир обновí во чреве Твоём всецёл, // хвальный отцёв Бог и препрославлен.

Убояся земля, сокрыся солнце, и помёрче свет, раздрáся церкóвная божественная завеса, кáмение же разсёдеся: на Крестé бо висит Праведный, хвальный отцёв Бог и препрославлен.

Ты быв áки беспомóщен и уязвен в мёртвых волею нас ráди, Превозносимый, вся свободил еси и держáвною рукою совоскресил еси, хвальный отцёв Бог и препрославлен.

**Ин, Богородице:**

Тя, Богородице, лéстницу Иáков прорóчески разумеваёт: Тобою бо Превозносимый на земли явился и с человеки поживé, яже благоволи, хвальный отцёв Бог и препрославлен.

Рáдуйся, Чистая, из Тебé прóйде Пáстырь, Иже во Адáмову кóжу обóлся воистинну, Превозносимый, во всего мя человека, за благоутрóбие непостижное; хвальный отцёв Бог и препро-славлен.

**Ин, святым:**

**Ирмос:** Бóжия снизхождéния:

Леóнтий, Иса́ия и Игна́тий, Иáков и Феóдор, честнии Дúха сосúди и Ростóву украшéние, Авраáмий, íдолом поклонявшийся ко Христú приведый, и Петр царевич, и Ирина́рх, самопроизвольный страда́лец, Кассиáн и Па́исий, князь Рома́н и царевич Димíтрий, и вси Ростóвстии и Угличстии чудотворцы божественными да воспóются пёснями.

Да величается Нёвский победитель, благовёрный князь Александр, да поётся Георгий, воин храбрый и страдалец, да похвалится Андрей, первый Русския земли собиратель, вкупе со Глёбом, юным сыном своим, да воспоется же и Авраамий мученик, града Владимира слава, Святыя Руси заступницы и Церкви Православныя украшение.

Феодору и Иоанну слава, Суждальским светильником, Симону и Дионисию! С ними да поются и Евфимий, в подвизех превысокий, и Евфросиния преподобная, пресветлая Суждальская звезда, вкупе же и Косма, на Яхроме реце подвизавыйся.

Песнь столпнику Никите, покаяния образ явившему, хвала и Даниилу, нищих и безродных согривателю, слава и Андрею, княжение оставившему и в нищетном образе житие скончавшему, Переяславским чудотворцем.

Константине княже, апостоле и просветителю Муромския земли, с Михайлом и Феодором, чады твоими, и Петре и Февроние, и праведная Иулиание милостивая, Мурома заступницы, вкупе же и Василие святителю и княже Романе, Рязани славо, о нас Христа молитте.

Тверская похвало, Арсение святителю, Михайле, княже и мучениче, и Анно, града Кашина сокровище, Ниле и Макарие преподобнии, Ефреме, града Торжка просветителю, со Аркадием и Иулианиею, цветом целомудрия, о нас Христа молитте.

**Слава:** Оружием ваших молитв, благовернии князие Феодоре и Давиде с Константином, и Василие, и Константине, Ярославля славо, охраняйте и ныне отечество ваше и людей православных от всяких бед и напастей.

**И ныне, Богородичен:** Яко благодатное сокровище даровала еси Святей Руси икону Твою Владимирскую, еюже отцем нашим многочастне и многообразне благоделяла еси. Не оскудей и ныне, о Мати Божия, утешающи лютое на нас востание, и землю Русскую спаси.

**Катавасия:** Не послужиша твари:

### Песнь 8.

**Ирмос:** В пещи отроцы Израилевы, / якоже в горниле, / доброю благочестия чистее злата блещахуся, глаголюще: / благословите, вся дела Господня, Господа, // пойте и превозносите во вся веки.

**И**же волею вся творяй и претворяяй, обраща́яй сень сме́ртную в вѣчную жизнь, стра́стию Твоею, Сло́ве Бо́жий, Тебе́ непреста́нно вся дела́ Господня́ Го́спода по́йм и превозно́сим во вся ве́ки.

**Т**ы разори́л еси́ сокруше́ние, Христе́, и окая́нство во врата́х и тверды́нях а́довых, воскрѣс из гроба́ тридне́вен. Тебе́ непреста́нно вся дела́ я́ко Го́спода пою́т и превозно́сят во вся ве́ки.

**Ин, Богородице:**

**Ч**ертóг светови́дный, из Него́же всех Влады́ка я́ко Жени́х произы́де Христóс, воспо́йм вси вопи́юще: вся дела́ Господня́, Го́спода по́йте и превозно́сите во вся ве́ки.

**Р**а́дуйся, престóле сла́вный Бо́жий, ра́дуйся, ве́рных стено́, Ею́же су́щим во тьме возсия́ Свет Христóс, Тебе́ блажа́щим и вопи́ющим: вся дела́ Господня́, Го́спода по́йте и превозно́сите во вся ве́ки.

**Ин, святым:**

**Ирмос:** Победители́ мучи́теля и пла́мене:

**К**расу́йся, гра́де Каза́нь, имѣя моли́твенники своя́, преподо́бных святи́телей Гу́рия, Варсоно́фия и Ге́рмана, отгна́вших от тебе́ тьму неверия́, и Иоа́нна мученика́, и Стефа́на, и Петра́, оте́ческое нече́стие оста́вивших и мученически́ в Небе́сное оте́чество преше́дших.

**С**вященна́го Писа́ния от юности́ научився, богоно́се Стефа́не, ра́лом словѣс твои́х оляденѣвшая зыря́нских люде́й сердца́ возде́лал еси́ и Божѣственное се́мя в них все́ял еси́. Ны́не же вку́пе со святы́ми продолжа́тели де́ла твоего́ Герасимом, Питири́мом и Ио́ною па́ству ва́шу и всю Ру́сскую зе́млю моли́твами ва́шими огражда́йте.

**В**есели́ся, Сиби́рская странó, в тебе́ бо Господь́ яви́ уго́дники Сво́я: пра́веднаго Симео́на Верхоту́рскаго, и Ирку́тския святи́тели Иннокенти́я и Софрони́я, и Иоа́нна Тобольскаго, но́выя дивны́я свети́льники и чудотво́рцы.

**Р**а́дуйся, Иве́рие и вся землѣ́ Грузи́нская, торже́ству́й, Арме́ние, воспева́ющи равноапосто́льную Ни́ну и Тама́ру, Григо́рия Просвети́теля и иных́ мно́гих, в страна́х Кавка́зских ве́ру Правосла́вную испове́давших и ны́не о земне́м оте́честве Христу́ моля́щихся.

**Иерарше Богомудре Димитрие, житий святых списателю и подражателю оным ревностный, славы оных молитвами твоими соделай нас общники.**

**Святителю отче Митрофане, первый Воронежу пастырю, мужество велие явивый, прещения царева и смерти не убоивыйся и в простоте души свою спасый, моли Бога о нас.**

**Благословим Отца и Сына и Святаго Духа Господа.**

**Яко пчела, мед сладкий от цветов скороувядающих собрал еси, отче Тихоне, от тленного мира духовное сокровище, имже всех нас услаждаеши.**

**И ныне, Богородичен: Заступницу усердную восхвалим и честному Ея поклонимся образу, имже в новопросвещенней стране правоверие утверди и в годину лютую мать русских градов спасе. Сей и града святаго Петра великое сокровище, и всея земли наша преславное богатство.**

**Хвалим, благословим:**

**Катавасия: Отроки благочестивыя:**

**Таже, Честнейшую:**

### **Песнь 9.**

**Ирмос: Образ чистаго Рождества Твоего/ огнепалимая купина показа неопальная;/ и ныне на нас напастей свирепеющую угасити молимся пещь,/ да Тя, Богородице, // непрестанно величаем.**

**О, како людие беззаконнии и непокоривии, лукавая со-вещавше, гордаго и нечестиваго оправдиша, Праведнаго же на древе осудиша Господа славы, Егоже достойно величаем!**

**Спасе Агнче Непорочне, Иже мира грехи вземый, Тебе славим, Воскресшаго тридневно, со Отцем и Божественным Твоим Духом, и Господа славы, Егоже богословяще величаем.**

**Ин, Богородице:**

**Из корене Давидова прозябла еси пророческаго, Дево, и богоотческаго; но и Давида яко воистинну Ты прославила еси, яко рождши пророчествованнаго Господа славы, Егоже достойно величаем.**

**Всяк похвальный, Пречистая, закон побеждается величеством славы Твоея. Но, о Владычице, от раб Твоих недостойных, от любви Тебе приносимое прими, Богородице, со усердием пение похвальное.**

**Ин, святым:**

**Ирмос: О,** дѣвства край:

**О,** благий просветителю и тихий ангеле Церкви Тамбовския, святителю Питириме, веселися о пастве твоей и всея Руси, в ней бо новая и вечная радость процветет, преподобный Серафим, дивный трудник спасения нашего.

**О,** святителие богомудрии Феодосие и Иоасафе, дивным нетлением от Господа прославлении! Вами возвеличены есмь и мы, чада суще Церкви Православныя, в нейже и доныне Господь чудная являет и рабов Своих прославляет.

**О,** новый чудотворче Иосифе, святителю и мучениче! Град Астрахань и вся Поволжская страна тобою хвалится и почитает тя, за правду от неверных мятежников люте пострадавша.

**О,** паче слова и превыше похвал святых страстотерпцев подвига! Злобу убо лютых отступников и наглое иудейское неистовство претерпеша, веру Христову противу учений мира сего, яко щит, держаще и нам образ терпения и злостраданий достойно являюще.

**О,** твердости и мужества полка мученик Христовых, от хинов лютых за Христа убиенных! Тии бо Церковь Православную украсиша и в стране своей крови своя, яко семя веры, даша, и купно со всеми святыми достойно да почтутся.

**О,** велицыи сродницы наши, именования и безыменнии, явлении и неявлении, Небеснаго Сиона достигшии и славу многу от Бога приимшии, утешение нам, в скорби сущим, испросите, веру нашу падшую возставите и люди расточенныя соберите, от нас, яко дар, песнь благодарения приемлюще.

**Слава, Троицен: О,** Троице Честная, прими, яже Россия приносит Ти, яко начатки и яко фимиам избранный, вся угодившия и прежде, и послежде в ней, знаемые и незнаемые, и молитвами их от всякаго вреда сию сохраняй.

**И ныне, Богородичен: О,** Дево Благодатная, грады и веси наша честнаго лика Твоего изображении, яко благоволения знамени, обогатившая, благодарение наше прими и от бед лютых отечество наше избави, вси бо Тя, яко Покров всемогущий страны нашей, величаем.

**Катавасия: Всяк земнородный:**